

il s'aduifa de battre rudement vn chien, & de le faire crier bien haut, afin que cette femme s'éueillant fe remit dans la bienfeance. Si ie dy que des filles & des femmes & des ieunes hommes folicités au mal iufques aux menaces, ont imité le Sainct Iofeph & la chafte Sufanne, i'vferay de redites, ces actions eftant reiterées meritent d'eftre publiées, car en verité elles font heroïques.

Vn ieune payen s'estant gliffé la nuit dans vne cabane, s'adreffa à vne ieune fille Chrestienne, & luy dit ces quatre paroles: Crois-tu en Dieu; Ouy, dit-elle, i'y croy: y crois-tu tout de bon? c'est tout de bon, respond la fille: adieu donc, dit ce frippon, ie n'ay rien à te dire.

Vn bon Neophyte nous difoit vn iour, [46] qu'il s'ennuyoit de cette vie, qu'il fentoit bien maintenant qu'il estoit prifonnier, & qu'il penfoit inceffamment à la vie qui ne meurt iamais; que fon cœur estoit toufjours en Dieu.

Vn de nos Peres ayant parlé de nostre Seigneur dans vne maifon de Sauages, & recommandé l'honnefteté, vne ieune femme mariée depuis peu, le fuiuit, & luy demanda en fecret, fi elle ne pouuoit pas bien fe feparer de fon mary, & coucher avec vne fienna parente: Le Pere luy demanda fi elle haïffoit fon mary, & s'il la traitoit mal: Non pas, fit-elle, mais ie voudrois bien me faouer.

La mefme eftant allée communier aux Vrfulines avec fes compagnes, les Meres leur firent vn petit feftin: celle-cy ne fit que pleurer pendant que les autres mangeoient: On la presse d'en donner la raifon, mais iamais elle n'en voulut parler; Cela eftant venu à nos oreilles, nous luy demandafmes le fujet